



Naalakkersuisut inuussutissarsiornermi siuarsaaniarluni aaqqissuussai pillugit allaffissornikkut ilitsersuut

Version: 8. december 2020

Naalakkersuisut inuussutissarsiornermi siuarsaaniarluni aaqqissuussai pillugit allaffissornikkut ilitsersuut...	1
Kikkut qinnuteqarsinnaappat?	2
Qaagukkut tapiissutisisoqarsinnaava?	3
Qinnuteqarnerup ingerlanera	4
Tapit naatsorsorneqarnerat	4
Tamanut atugassarititaasut.....	5
Piffissmi aningaasaliissuteqarfiusumi sammisanut taamaallaat tapiissuteqartoqarsinnaavoq.....	6
Sammasat tapiissuteqarfigineqarsinnaasut	7
Suliniutit immikkoortukkuutaarlugit agguarnerat.....	9
Immikkoortunik itisiliineq.....	10
Tapiissutit	13
Tunisassianik ineriartortitsinermit tapersiissutit	13
Kittaartagaq – Inuussutissarsiutigalugu siunnersuisartunit ikiorneqarnissamut tapit.....	13
Aallarnisaasunik ineriartortitsinermik ingerlataqarneq	15
Inuussutissarsiutinik aalajangersimasunik imaluunniit suliffeqarfinnik immikkuullarissunik siuarsaanermut immikkut tapersiisarneq.....	16
Annikitsunik taarsigassarsititsineq	16
Inuussutissarsiutinik siuarsaanermut aningaasaliissutinut aningaasat killiliussat	20



Kikkut qinnuteqarsinnaappat?

Nunami inuussutissarsiutit

Nunami inuussutissarsiutit tassaapput suliffeqarfiit aamma sammisat kiffartuussinerup, takornariaqarnerup, tunisassiornerup, niuernerup, hoteleqarnerup, IT-qarnerup, misigisassarsiorluni inuussutissarsiornerup il.il. iluanniittut. Taakku saniisigut siunertaq tassaassanngilaq tapiissutininik aaqqissuussanik ilaqartoq, soorlu assersuutigalugu ilinniagaqarneq pisortanit tapersersorneqartoq, aalisarnek, nunalerinek aamma kulturi.

Suliffeqarfiit eqqumiitsuliornermik sammisaqartut

Suliffeqarfiit eqqumiitsuliornerup iluani sammisaqartut nunami inuussutissarsiutinut ilaapput. Soorlu assersuutigalugu filmiliornek, nipilersortartut, sanaluttartut il.il. Suliffeqarfiup pilersinneranut ineriartortinneranullu atatillugu, eqqumiitsuliornikkut tunisassiornerup killinga, inuussutissarsiornermik siuarsaaniarluni tapiissutininik qinnuteqartoqarsinnaavoq.

Eqqumiitsuliornikkut tunisassiornek tassaavoq suliffeqarfimmut ingerlatsinermi suliassaq. Soorlu assersuutigalugu filmimik immiussineq, taalliornek, eqqumiitsulianik ilusilersuineq il.il. Suliffeqarfiup sammisaata imai kulturikkut tapiissuteqarfigneqarnissamut aaqqissuussanut ilaasut, inuussutissarsiornermi siuarsaaniarluni aaqqissuussanut ilanngillat.

Suliffeqarfiit namminersortut niuernermit tunngassuteqartut

Suliffeqarfiit inuussutissarsiortut aamma suliniutit piffissami sivisuumi aningaasaqarnikkut sinneqartoorteqarnissamik siunertaqanngitsut, tapiissutininik qinnuteqarsinnaapput. Namminersortut pineqartut ima paasineqassapput, kommuni imaluunniit Namminersorlutik Oqartussat 49% sinnerlugit piginnittuussanngitsut. Tamatumani Greenland Venture imaluunniit assigisaa piginneqataanersut.

Sunngiffimmi sammisanut tapiisoqarneq ajorpoq. Sammisaq inuussutissarsiutit taaneqarsinnaappat, aalajangersimasumik sakkortussuseqarlunilu akilersinnaassaaq. Taamaasilluni suliffeqarfiup sinneqartoorteqarnissaa naatsorsuutigineqassaaq, piginnittullu ataatsimut isertitaasat annerpaatarissallugu.

Peqatigiiffiit, eqimattat, suliffeqarfiit imminnut pigisut il.il.

Annerpaamik pisortanit 49%-imik pigineqarneq pillugit piumasaqaatit malinneqarpata, Kalaallit Nunaanni nalunaarsorsimalluni, kiisalu inuussutissarsiutit atuulluni, imaluunniit tunisassiap sunniutaannik suliffeqarfinnut inuussutissarsiortunut innersuussisinnaagaanni peqatigiiffinnut, eqimattanut, suliffeqarfinnullu imminnut pigisunut taperneqarnissamik qinnuteqartoqarsinnaavoq.

CVR-imi nalunaarsuineq

Qinnuteqartup CVR-normoqarnissaa piumasaraarput. Suliffeqarfimmik pilersitsiniarluni taperneqarnissamik qinnuteqartoqarpat, aningaasat ikineqannginneranni CVR-normu inissinneqarsimassaaq. Taamatut pisoqarpat qinnuteqartoq CVR-normumik Innovation Greenlandimit utaqqiisaagallartumik tunineqassaaq.



Kalaallit Nunaanni tamakkiisumik akileraartussaataaneq

Inunnut imaluunniit ingerlatseqatigiiffinnut Kalaallit Nunaanniittunut imaluunniit Kalaallit Nunaanni nalunaarsorsimasunut Kalaallit Nunaannilu akileraartussaataasunut tapiissuteqarnissamik neriorsuteqartoqarsinnaavoq. Kattuffiit akileraartussaataangillat, kisianni Kalaallit Nunaanni nalunaarsorsimanertik tamaat tamakkiisumik akileraartussaataapput.

Qaagukkut tapiissutisisoqarsinnaava?

Suliniutip isertitai

Taamaallaat suliniutit imaluunniit sammisat pisortanit allanit taperneqanngitsut imaluunniit aningaasalersorneqanngitsut taperneqarsinnaapput. Taamaattumik sammisaq pisortanit aningaasanik taperneqarpat, Innovation Greenlandimit taperneqarsinnaangilaq.

Suliffeqarfiit tunngaviusumik pisortanit ingerlatsinermut tapiissutisisartut (soorlu assersuutigalugu kiffartuussinermut isumaqatigiissut) inuussutissarsiornermi siuarsaniarnermi aaqquissuusanit taperneqarsinnaapput, tamatumani sammisaq qinnuteqaatigineqartoq pisortanit allanit toqqaannartumik tapiissutisisanngikkuni.

Suliffeqarfik unioqqutitsisoq imaluunniit akuersissutit amigaataasut

Suliniutit akuersissutinik pisariaqartinneqartunik peqartut sutigullu tamatigut inatsisinik malinnittut kisimik taperneqarsinnaapput. Akuersissutit tunngassuteqartut uppersaateqartinnissaat qinnuteqartup akisussaaffigaa.

Aningaasaqarnikkut ingerlanerliorneq

Taperneqartoq imaluunniit inuk aqutsisoqatigiinni imaluunniit siulersuisuni inissisimasooq siusinnerusukkut sakkortuumik akileraartarnermut inatsimmik unioqqutitsisimalluni pineqaatissinneqarsimappat imaluunniit Kalaallit Nunaannut Pinerluttaalisitsinikkut Inatsimmi unioqqutitsilluni aningaasaqarnikkut pinerlussimappat imaluunniit pisortanut annertuumik akiitsoqarpat, taperneqarnissamik neriorsorneqarneq tunniunneqarsinnaangilaq.

Suliffeqarfinnut aningaasaqarnikkut ajornartorsiortunut tapiissuteqartoqarsinnaangilaq.

Suliniutit unammilleqatigiinnermik equtitsisut

Tapiinermut atatillugu suliffeqarfiit unammillertut naammattumik eqqarsaatigineqassapput.

Illoqarfinni anginerusuni qinnuteqartup pitsaassutsikkut piginnaasaanut piumasaqaatit annertunerussapput, soorlu suliniummi nutaaliornermut piumasaqaatit qaffasinnerusut, aamma niuernerup annertusinissaanut periarfissaq.



Taperneqarnissaq qulakkeerneqanngilaq

Taperneqassagaanni suliniut nassuiarneqarluarsimallunilu uppernartuussaaq.

Qinnuteqaatit tamarmik ingerlatsinikkut aamma inuiaqatigiit aningaasarsiornerannut tunngatillugu nalilersorneqassapput.

Taperneqarnissaq inatsisitigut piunasaqaataanngilaq, ingerlatsinermilu ileqqorissaarneq naapertorlugu, Innovation Greenlandip aamma pisortat aningaasaataannik pitsaasumik ingerlatsineq qulakkiissavaa.

Itigartitsinerit allaffissornikkut immikkoortumut qaffasinnerusumut maalaarutigineqarsinnaanngillat.

Qinnuteqarnerup ingerlarna

Qinnuteqaat piffissaalluattillugu Innovation Greenlandimut nassiunneqassaaq.

Qinnuteqaatit nalilersorneqannginneranni ima pisoqakkajuttarpoq, qinnuteqartup suliamillu ingerlatsisup akornanni oqaloqatigiinnikkut paasissutissanik sukumiinerusunik pissarsiniartoqakkajuttarpoq.

Qinnuteqaatip ingerlanerani ilaatigut takussutissinneqassaaq, aningaasartuutitut akiliigallarsinnaaneq.

Qaammatip ataatsip missaa suliamut atorineqartarpoq, suliniutitut annerusunut qinnuteqaatitut, piffissaq nammineerluni apeqqutitut atugaq kiisalu uppernarsaatit takussutissat amigaataasut nassiunneritut.

Qinnuteqarnermi immersugassaq

Kittaartakamut qinnuteqaatit, tuniniagassanik ineriartortitsinermut tapiissutit aamma taarsigassarsiat annikitsut immersugassaq akuerineqarsimasooq atorlugu nassiunneqassapput. Aallaaviatigut oqaatigineqassaaq, qinnuteqaat internetimiittoq atorlugu nassiunneqassaaq. "Qinnuteqarfik"/"Mine ansøgninger".

Avinngarusimasumi najugaqaruit qinnuteqarfissaq internetikkuunngitsoq pappialanngorlugu ilinnut nassiunneqarsinnaavoq. Taama pisoqarpat Innovation Greenlandip atuisutut pilersissinnaappatit, qinnuteqaatillu atortorissaarummi pilersillugu.

Tapit naatsorsorneqarnerat

Tapiissutit tunniunneqassappata, suliniutip killiffia pillugu nalunaarummik nassitsinissaq piunasaqaataavoq. Tamanna 'Qinnuteqarfik'-mi naatsorsuinerimik pilersitsinermut atatillugu pissaaq, tassani immikkoortoqarpoq immersugassamik.

Taarsigassarsiat annikitsut suliniut sioqqullugu taarsigassarsiniarnermut uppernarsaatip atsioreernerata kingorna aamma Innovation Greenlandimut nassiunnerat kingorna tunniunneqassapput.

Kittaartakkamut aamma tuniniakkamik ineriartortitsiniarluni tapiissutit aningaasaliissutit aalajangersimasut, ilanngussat nassiutereernerisa kingorna (fakturaakkajuttarpoq) akiliinermullu uppernarsaat (aningaaserivimmit uppernarsaat, dankortimik akiliisimanermut uppernarsaat il.il.) tunniunneqartarput.



Ilanngussat tamarmik Qinnuteqarfimmi naatsorsuutikkut nassiunneqassapput.

Naak aningaasat sapinngisamik sukkarnerpaamik tunniunneqartaraluartut, aningaasat tunniutinnginneranni suliamik suliarinninnissamut piffissaqartoqartariapoq. Piffissap suliamik suliarinninnermut atorineqartup sapaatip akunnerani ataatsimi imaluunniit sapaatip akunnerini marlunni sivilissuseqarnissaa naatsorsuutigineqassaaq, taassumalu saniatigut piffissaq takussutissat uppersaasat amigaataasut nassiunnissaannut nammineerluni atugaq.

Inassutigineqarpoq, naatsorsukkani ilanngussat sapinngisamik amerlanerpaatinniarneqassasut, taassumalu saniatigut naatsorsukkat ikinnerpaanissaat. Arlaleriarluni naatsorsuineq Innovation Greenland allakkatigut isumaqatigiissuteqarluni pissaaq.

Tamanut atugassarititaasut

Inuussutissarsiornermut tapiissutit siunertaat

Inuussutissarsiorluni siuarsaassinnermi aqqissuussinnerit siunertaat tassaavoq inuussutissarsiornermi suliniutinik inuiaqatigiit aningaasaqarnerannut soorlu tunisassiornerulernikkut suliffeqarfiit amerlanerulernerannik kinguneqartussatut nalilernerqartut.

Ingerlatsinnermi aamma inuiaqatigiinni aningaasaqarnikkut nalilersuineq

Ingerlatsinnermi aamma inuiaqatigiinni aningaasaqarnikkut tunuliaqutit tunngavigalugit qinnuteqaatip nalilersornera tunngavigalugu neriorsuutigineqartarpoq. Ingerlatsinnermi aningaasaqarnikkut nalilersuineq ilaatigut qinnuteqartup suliatigut aamma aqutsinikkut pitsaassusai aamma piginnaasai, qinnuteqartup aningaasaqarnera aamma inuussutissarsiornermi pilersaarutit toqqartup attanneqarsinnaanera tunngavigalugit nalilersorneqassaaq.

Kalaallit Nunaanni sammisat

Tapiineq pilersuisunik Kalaallit Nunaanniittunik sammisaqarnermi atorineqassaaq, taanna piuppat. Atortunik pisineq aamma Kalaallit Nunaanni pilersuisoq aqqutigalugu pissaaq, taanna piuppat, aamma taanna akisunerulersitsigaluarpalluunniit.

Naammattumik uppersarsaaneq

Suliniutip ingerlatsinnermi aamma inuiaqatigiinni aningaasaqarnikkut nalilersorneqarnera piumasaqaataasoq ingerlanniaraanni, uppersaasat amerlajaartut nassiunnissaat pisariaqarpoq. Taamaattumik toqqartumik pisariaqartinneqartut suliamiit suliamut assigiinngissinnaapput, kisianni atorfissaqartinneqartut tassaakkajuttarput ingerlatsinnermi missingersuutit, aningaaseriviup akuersinera, akuersissutit immikkut ittut, neqeroorutit pissarsiarineqarsimasut (pilersuisumit Kalaallit Nunaanniittumit), aningaasartuutitut naleqqiullugit.

Tapiissutit kattunnerat

Kittaartagaq' aamma 'Tunisassianik ineriartortitsiniarluni tapiissutit' kattunneqarsinnaanngillat. 'Aallarnisaasunik ineriartortitsinnermik ingerlataqarneq' aamma 'Taarsigassat annikitsut' aqqissuussinnerit sinneritut kattunneqarsinnaapput. 'Suliffeqarfiit aalajangersimasut imaluunniit suliffeqarfiit immikkut ittut siuarsarniarlugit pisut ilaanni aqqissuussinnernut allanut kattunneqarsinnaapput.



Taamaattorli suliffeqarfippassuit 'tapiinermik ingerlatsineq' ingerlattarpaat, tassani tapiissutit sammisanut suliniutinullu assigiinngitsunut arlaleriarluni pineqartarput. Malittarisassani tamanna pillugu immikkoortut agguataarnerat atuarneqarsinnaavoq, ataani takuneqarsinnaapput immikkoortut assigiinngitsut allattorsimaffiat.

Akilerartarnermut Aqutsisoqarfimmut nalunaaruteqarneq

Aningaasat tunniunneqartut tamarmik nalunaarutigisussaataapput, tapiissutit pissarsisoq nammineerluni tapiissutip nalunaarutiginnissaa akisussaaffigaa.

Pisuni qaqtigoortuni aningaasartuut tapiissutigineqartut nammineerluni akilerartarnermut nalunaarsuiffimmi ilanngaatigineqarsinnaapput, tapiissumillu pissarsisup nammineerluni aningaasartuutit ilanngaatiginissaat qanoq pissanersoq akisussaaffigaa. Aningaasartuutit ilaannut immikkut ittunik atugassaqaqtisisoqarpoq, kiisalu Akilerartarnermut Aqutsisoqarfiup attaviginnissaa, imaluunniit inuussutissarsiutigalugu siunnersortip tamatuma qulaajarneqarnissaa pillugu attaviginnissaa inassutigaarput.

Suliffeqarfiup adressia

Qinnuteqartup qulakkiissallugu akisussaaffigaa, adressedit pineqartumik suliffeqarfimmi ingerlatsisoqarsinnaanera. Inissiaatileqatigiiffiit, piginneqatigiilluni inissiaateqarfiit imaluunniit piginnittut peqatigiiffiisa il.il. ilaasa inuussutissarsiummik ingerlatsinermut malittarisassaqaqput. Soorlu assersuutigalugu, suliffeqarfimmi ingerlatsinaraanni INI A/S-imut inissiaataannit suliffeqarfimmi ingerlatsinaraanni qinnuteqartoqartussaavoq. Inuussutissarsiummik kiffaanngissuseqartumik ingerlatsinaraanni adressi tassunga akuerineqarsimassaaq.

Piffissami aningaasaliissuteqarfiusumi sammisanut taamaallaat tapiissuteqartoqarsinnaavoq

Aningaasaliinerup allaatiginerani piffissaq aningaasaliissuteqarfiusoq taaneqassaaq (piffissap suliniutip ingerlaffia), taanna ullormi aningaasaliiffiusumi aallartittarpoq sammisallu kingulliup taaneqartup qaammataani kingullermi naakkajuttarluni. Sammisat tapiissuteqarfigineqartut piffissami aningaasaliiffiusumi pissapput.

Taperneqarnissamik neriorsorneqarneq aningaasaliissutip piffissaata naanerani nammineerluni unittarpoq. Sammisat aningaasaliissutit sulit tunniunneqanngitsut naammassineqarsimasut tapiissuteqarfigineqarneq ajorput.

Akiliineq piffissami aningaasaliissuteqarfimmiissanngilaq

Kiffartuussinerup, tuniniakkap imaluunniit sammisap pineqartup akilernera piffissami aningaasaliissuteqarfiup nalaaniittariaqanngilaq. Taamaasilluni sammeriikkat, sulit akilerneqanngikkaluarpataluunniit tapiissuteqarfigineqarnissaannik qinnuteqaatigineqarsinnaanngillat.



Tunniussinissamut piffissaq sivisoq

Piffissaq tunniussinissamut sivisuppat, soorlu assersuutigalugu arlaat umiarsuakkut nassiunneqassappat, taava piffissaq tunniussiffiusoq tassaavoq pilersuisup nassiussassatut tunniussiffia. Piniakkap nassiunneqarnera pillugu nalunaarutisisoqartarpoq (shipping notice). Piniagaq piffissami tunniussiffiusumi takkussimangippat soqutaanngilaq.

Siumut akiliineq aamma inniminniineq

Siumut akiliinaraanni, soorlu assersuutigalugu timmisartukkut billetimik inniminniinermut atatillugu, taava taanna aningaasaliissuteqarnerup aallartinneqarnera sioqqullugu pisinnaavoq. Aningaasaliissulli pinngitsooraanni nammineerluni akisussaaffigineqassaaq. Pingaarnerpaaq tassaavoq angalanertaviata (kiffartuussummik tunniussineq) piffissami aningaasaliiffiusumi pinissaa.

Sammisat tapiissuteqarfigineqarsinnaasut

Aningaasartuutit ukua tapiissuteqarfigineqarneq ajorput:

- Ingerlatsinermit aningaasartuutit
- Aningaasartuutit pisariaqanngitsut
- Pisut ataasiakkaat, soorlu assersuutigalugu tapersersuilluni tusarnaartitsinerit, aningaasaliisussarsiornerit il.il.
- Kiffartuussinerit imaluunnit qanigisanit pisineq (soorlu assersuutigalugu uimit/nuliamit, meeqqanit aamma angajoqqaanit) imaluunniit pisortani atorfillit
- Sammisag inatsisinit allani ikorfartorneqartoq, soorlu assersuutigalugu aalisarnek, nunalerineq aamma kulturi.
- Innovation Greenlandip neqeroorummut niuernermi matussuserneqarsinnaanersut, neqeroorut, tassalu akip kiffartuussinerullu imminnut naleqqiullutik, niuernermi atugassarititaasunut naleqqunnersut nalilersortarpei.

Tabelimi ataaniittumi suut ilanngunneqarsinnaanersut imaluunniit ilanngunneqarsinnaannginnersut takuneqarsinnaapput:



	Ineriartornermi aningaasartuut akuerineqarsinnaasoq	Ingerlatsineq/inuttut aningaasartuut kisimi (tapiiffigineqarsinnaanngilaq)
Tunisassianik / kiffartuussinernik nutaanik ineriartortitsineq	- Tunisassianik nutaanik pitsanngorsakkanillu ineriartortitsineq, tassunga ilanngullugu ilusilersugaq nutaa. - Teknikkikkut atortut appasissut, misiliinerit/inerniliinerit, tunisassiamik pitsanngorsaaneq. - Ineriartortitsinermut atatillugu akissarsianut aningaasartuutit.	- Negeroorutininik annertusaaneq paasiuminartoq. - Isikkut tungaasigut annikitsumik allanngortitsinerit. - Eqqumiitsulianik suliaqarneq (soorlu assersuutigalugu nipilersukkat, filmit aamma atuakkat) - Suliat sungiusimasat (ukiumoortumik naatsorsuutit) - Tunisassiorneq atuisunut tulluarsagaq.
Atortunik nutaanik pissarsineq aamma timikkut sammisat	- Atortunik allaanerulluinnartunik pissarsineq, imaluunniit atortut nutarsaanermut atortussat. - Ingerlatsineri sakkortussutsip allilernera, sapinngisaq tamakkerlugu sullitanik amerlanerusunik sullissisinnaalerluni.	- Sammisat allanngornerat oqitsoq. - Atortut nammineq inuttut atorsinnaasat, soorlu assersuutigalugu nammineq biilit, umiatsiaq, qamuteralaat pissarsiarinerat.
Tuniniaaneq aamma ussassaarineq	Niuerfinnik nutaanik, tunisassianik nutaanik nittarsaassineq imaluunniit niuerfimmik nutaamik misissuinerit.	Ingerlaavartumik ussassaarineq.
Atortorissaarutininik oqittunik ineriartortitsineq	- Atortunik oqitsunik nutaanik ineriartortitsineq - Suliassanik ineriartitsissutaasunik (soorlu assersuutigalugu CRM-imik eqqussineq) atortorissaarutininik/databasenik eqqussineq.	Atortunik oqitsunik pisineq imaluunniit attartorneq, ingerlaavartumik imaluunniit annikitsumik (soorlu assersuutigalugu aningaasaqarnermi nalunaarsuineq)
Sulisunik sungiusaaneq	Atortut nutaat atornerisa sungiusarnerat, tuniniakkat nutaat ineriartortinnerat, imaluunniit suliffeqarfimmik namminersortumik pilersitsineq.	- Atortut pioreersut, piginnaasat naligninnaasut imaluunniit oqaatsit sungiusarnerat. - Ingerlaavartumik ilinniaqqinneq.
Eqqarsartaatsikkut pisinnaatitaaffiit	Tunisassianik imaluunniit ingerlaatsinut atatillugu tunisassianik ineriartortitsinermut atatillugu pisinnaatitaaffinnik nalunaarsuineq.	- Pisinnaatitaaffinnik aamma akuersissutininik niuerneq. - Pisinnaatitaaffiit ataavartinnerat. - Eqqartuussisutigit malersuineq.
Aaqqissuussaanneri allanngortitsinerit	Allannguutaaratarsinnaasunik misissuineq.	- Suliffeqarfik nutaaq – tunisassiaq taanna. - Katigunnerit aamma tigusinerit. - Taamaatitsineq aamma avammut suliakkiineq.




Suliniutit immikkoortukkuutaarlugit agguarnerat

Sukkulluunniit suliniut immikkoortukkaartunngorlugu agguarneqarsinnaavoq, taamaasillunilu arlaleriarluni tapertilluni, kisianni akuerineqarsinnaasoq killeqarpoq.

Qinnuteqaatit tamarmik (tassa immikkoortoq) immikkut suliarineqartarput, imminilu pisinnaatitaaffimmini piusinnaasariaqarluni. Pinerit tamaasa qinnuteqaammik nutaamik nassiussisoqassaaq, immikkoortumullu taperneqarneq immikkoortunut malitsigisaanut taperneqarnermik qulakkeerinninngilaq.


Aana qanoq immikkoortut agguataarsimanerannut assersuutaavoq:

Suliniutit arlallit ataatsikkut



Suliniutip annertusinera


Suliffeqarfik suliniummut aningaasaliiffigineqareersimasumut annertunerulersitsiniarnermik qinnuteqarusuppoq. Pisumi matumani qinnuteqaatit katillugit annertunerpaaffissaat killeqareerpoq qinnuteqaatinut ataasiakkaanuunngitsoq. Aningaasaliissutit ukiumi qaammatisiuteqarfiusumi tamarmik pissapput.



Assersuummi matumani pilersitsinerup nalaa qinnuteqaatinut marlunnut avinneqarsimavoq.

Suliniutip immikkoortunngorlugu agguataarnera

Tunisassiamut ataatsimut immikkoortut sisamat iluini qinnuteqartoqarsinnaavoq: Tunisassiornermi aamma isumassarsiamik ineriartortitsineq, Suliniutip aallarnisarnera, Pilersitsineq aamma alliliineq aamma Ussassaarinermik pilersitsineq. Immikkoortut tamarmik nammineerluni aningaasatigut killeqarput.





Immikkoortunik itisiliineq

Tunisassianik aamma isumassarsianik ineriartortitsineq: Misissueqqissaarneq, paasisassarsiorneq, ineriartortitsineq, prototype, nutarsaaneq aamma ilisimatusarneq

Tunisassianik isumassarsianillu ineriartortitsinissamut tapiiffigineqarnissamik qinnuteqartoqarsinnaavoq. Immikkoortup taassuma tunisassiaq kisiat tunngavigisinnaavaa. Tassani isumassarsiamiit tunisassiamut ingerlaqqittoqartarpoq, kisianni tunisassiornermi atortorissaarutit tassaniittariaqanngillat. Tamanna pisarpoq tunisassianut attuumassuteqartunik misissueqqissaarnernik suliaqarnernik (soorlu assersuutigalugu sananermi malittarisassat, isumassarsiaq ineriartortitassaq, misissuinerit aamma akuersissuteqarnerit), isumassarsiap imminut akilersinnaanernik misissuinerit aammalu isumassarsiaq illersorniarlugu periarfissat suunersut.

Tamanna tassaasinnaavoq aallartisarnernup ingerlaneranut peqataanermi nammineerluni aningaasarsiat, aamma taakkununga aningaasartuutaaratarsinnaasut.

Qinnuteqaammut piumasaqaat

Isumassarsiaq upperiuminartooq piumasaqaataavoq.

Aningaasartuutaakkajuttut

Immikkoortumi tassani aningaasat ikittut qinnutigineqakkajuttarput.

- Ineriartortitsinermik suliaqarnermut atatillugu akissarsiat.
- Inuussutissarsiuutigalugu siunnersortinut akiliutit.
- Misissuinerimi imaluunniit tunisassiornermi atortunik attartorneq.
- Akilersinnaassuseq pillugu misissuinerit.
- Tunisassiamik ineriartortitassami/piareersaatitut sammisamik

Suliniutip ingerlarna

Suliniutip aallarnisarneqarnissaanut tapiissuteqarfigineqarnissaq qinnutigineqarsinnaavoq. Siunertaq tassaakkajussaaq niuernerimi pilersaarutip sukumiinerusumik suliarinissaa, taanna teknikkikkut titartakkanik, missingersuutunik ineriartortinneqarsimasunik, pilersuisunut neqeroorutunik, akuersissutunik attuumassuteqartunik aamma pappiaqqat pilersitsinermi atorneqartussat tamarmik suliarineqarnerat.

Qinnuteqaatinut piumasaqaatit

Immikkoortumi tassani tunisassiap qanoq ittuunissaa ilisimaneqartarpoq, niuerfik ilisimaneqarpoq aammalu pilersaarutip tunngaviusup pilersinneqarnissaa qanoq ingerlassanersoq.

Aningaasartuutaakkajuttut

Tassunga killinneq piareersarnermik imaqarpoq, aningaasaliinerujussuup sapiillisaarutiginginnerani

- Ineriartortitsinermut atatillugu aningaasarsiat.
- Inuussutissarsiuutigalugu siunnersuisartunut aningaasarsialiissutit.
- Pisinnaatitaaffinnik pissarsineq (Trademark, Patent il.il.) aamma akuersissutit (soorlu assersuutigalugu inuussutissalerinermi akuersissut).



Pilersitsinerup immikkoortua: Niuertarfimmik ammaaneq/tunisassiorfimmik ammaaneq/atortunik pissarsineq.

Suliffeqarfiup pilersinneqarnissaanut allilernerqarnissaanullu tapiissutinik qinnuteqartoqarsinnaavoq. Imaassinnaavoq pisiniarfimmik ammaanissaq, allaffimmik pilersitsinissaq, sannavimmik pilersitsinissaq imaluunniit atortunik allanik tigussaasunik pilersitsinissaq pisariaqarsinnaavoq. Imaassinnaavoq, suliffeqarfiutigisami piusumik maanna sullitanut siunissamiluunniit sullikkumaakkanut tuniniakkanik nutaanik neqeroorusuttoqartoq.

Qinnuteqaammut piumasaqaatit

Immikkoortumi matumani qinnuteqaammut piumasaqaatit qaffasissorujussuupput. Tuniniagaq ineriartortinneqarsimassaaq, niuerfik misissorneqassaaq, pilersitsineq/alliliineq pilersaarusiorneqarsimassaaq aammalu akilersinnaanera naatsorsorneqareersimassalluni. Pilersuisunit neqeroorutit, teknikkikkut titartakktat, akuersissutit uppersarsarnerat il.il. ilanngunneqassapput.

Aningaasartuutaakkajuttut

Immikkoortumi matumani aningaasartuutit annertukkajussinnaapput, tamakkiisumik taperneqarnissamik kinguneqartitsisut:

- Ineriartortitsinermik suliaqarnermut atatillugu aningaasarsiat
- Illunik pisinik imaluunniit nappaaneq
- Ininik aaqqissuineq aamma ilusilersuineq
- Pisiniarfimmi imaluunniit allaffimmi atortut
- Assartuineramik suliffeqarfinnut angallammik/biilnik pisineq imaluunniit alliliineq
- Suliffeqarfiup tunisassiorfiusumut maskiinanik pisineq imaluunniit alliliineq
- Assartuinermi eqqussinermilu aningaasartuutit
- Maskiinat nutaat atornissaannik ilinniartitsineq
- Suliffeqarfiup allagartartaanera/pisinnaatitaaffeqalerneq

Kiffartuussinermik neqerooruteqartunut immikkut ittoq

Suliffeqarfiutit kiffartuussinernik neqerooruteqarpat, aningaasaateqarfimmi aningaasaliinissat (maskiinat, illut il.il.) pisariaqartikulanaviangilat. Tamatuma tapiissutinik qinnuteqarnissannik mattutissanngilaat, kisianni inuttut aningaasaliissutit (tassunga ilanngullugu ilinniagaqarneq) aningaasaliissutini soorlu assersuutigalugu maskiinanik illunillu aningaasaliinernut assersuunneqarsinnaanngillat.

Nittarsaassinerup immikkoortua: Eqimattanik pilersitsineq aamma nittarsaassinermi atortut

Nittarsaassinermik pilersitsinermut tapiissuteqartoqarsinnaavoq. Siunertaq tassaaq pisiniartoriumaagassatut toqqammaviusinnaasut aamma suliffeqarfiup unammillersinnaassusaata akilersinnaassusaatalu annertusarnissaat. Niuerfinni suliffeqarfiup saqqumereerfiani nittarsaassineq ingerlatsinermi aningaasartuutaavoq, kisianni niuerfinni nutaani najuunnissamut nutaamut tapiissuteqartoqarsinnaavoq. Aammattaaq suliffeqarfiit unammillersinnaassusaat annertusarniarlugu, suliffeqarfiit arlallit aaqqissuussaannikkut katersornerannut tapiissuteqartoqarsinnaavoq, tassani suliffeqarfinnut allanut unammillersinnaaneq pineqarpoq, aamma eqimattanik pilersitsinertut ilisimaneqartoq.



Eqimattakkuutaartut ilanngunneqarnissaannut peqquutigineqartoq pingaarnerpaaq tassaavoq, suliffeqarfiit mikisut amerlasuut immikkoorlutik angisuumik suliaqarsinnaannginnerat (soorlu assersuutigalugu tamakkiisumik sanaartortitsineq), kisianni eqimattatut kattukkunik taamaasiorsinnaapput. Taamatuttaaq eqimattami ilisimasani avitseqateqarnerup suliffeqarfiit nutaamik eqqarsarnerat siuarsarsinnaavaa, eqimattamilu ilaasortat suliffeqarfinnut nunanit allameersunut (taakku aamma eqimattatut ataqatigiissut) naleqqiullugit unammillernermi nukittunerussapput. Taamaasilluni eqimattakkaarnerup niuernerq annertusissinnaavaa. Eqimattanik pilersitsineq niuernerup eqimattamiittut akornanni avinneqarnissaa siunertaralugu, imaluunniit akimik isumaqatigiissuteqarneq, inatsisitigut inerteqqutaavoq, taamaattumillu taperneqarsinnaani.

Qinnuteqaammut piumasaqaat

Suliffeqarfiit pioreersut tassaakkajuttarput tuniniakkamik, aaqqissuussaannermik aamma atortunik tigussaasunik kiisalu tunisassiornermik atortunik peqareersut.

Ataqatigiissunik pilersitsiniarluni suliniutit qanoq suliffeqarfiit niuerfimmi qanoq iliorsinnaanersut angusinnaanngisaraluaminni eqimattakkuutaarsinnaanertik takutissinnaappassuk iluaqutaassaaq.

Aningaasartuutaakkajuttut

- Ineriartortitsinermik suliaqarnermut atatillugu akissarsiat
- Saqqummersitsinerni, inuussutissarsiutinik siuarsaanerni aamma tuniniaaniarluni tikeraarnerni peqataaneq
- Nunani allani nittarsaassinernut atatillugu angalanermut aningaasartuutit
- Niuerfinnik misissueqqissaarneq (Avammut Tunisassiornermi Siunnersuisoqatigiit il.il.)
- Nittarsaassinermi aamma paasisitsiniaanermi atortunik pilersitsineq (taakkununga ilanngullugu aningaasassarsiorneq)
- Tuniniaasoqatigiinnik ilinniartitsineq



Tapiissutit

Tunisassianik ineriartortitsinermut tapit

Tunisassianik ineriartortitsinermut tapit nunami aallaavilimmik inuussutissarsiutit iluanni inuussutissarsiortunut tamanut tapersiissutaapput.

Tunisassianik ineriartortitsinermut tapit pilersitsinermi ineriartortitsinermilu sammisassanut atatillugu sammisassanut, tunisassianik kiffartuussissutinillu pissarsiniarnermut atorneqarsinnaapput. Sammisassanut aningaasaliissuteqareernerup kingorna ingerlanneqartunut taamaallaat tapiisoqarsinnaavoq.

Sammissassat tapersiivigineqartut ingerlanneqareerneranni aammalu Innovation Greenland-imut ilanngussanik attuumassuteqartunik nassiussinikkut aningaasartuutit uppersarsarneqarnerisigut tunisassianik ineriartortitsinermut tapit akilersinneqassapput.

Tunisassianik ineriartortitsinermut tapit aningaasartuutit uppersarsarneqartut annerpaamik 50 %-iinik, aningaasaliissutigineqartut tikillugit, aammalu suliasamat ataatsimut annerpaamik 300.000 koruuninik annertussuseqarsinnaapput.

Kittaartagaq – Inuussutissarsiutigalugu siunnersuisartunit ikiorneqarnissamut tapit

Kittaartagaq taamaallaat inuussutissarsiutigalugu siunnersuisartunit ikiorneqarnissamut atorneqarsinnaavoq.

Inuussutissarsiutigalugu siunnersuisartunit atorusunneqartunit neqeroorut, qinnuteqaammut ilanngullugu, nassiunneqassaaq.

Sammissassat tapersiivigineqartut ingerlanneqareerneranni aammalu Innovation Greenland-imut ilanngussanik attuumassuteqartunik nassiussinikkut aningaasartuutit uppersarsarneqarnerisigut kittaartagaq akilersinneqassaaq.

Kittaartagaq aningaasaliissutit tikillugit aningaasartuutit 80 %-ii angullugit, aammalu annerpaamik 25.000 koruuninut matussutaassaaq.



Inuussutissarsiutigalugu siunnersuisartunit ikiorneqarneq qanoq paasineqassava

	Siunnersuisartut suussusaat	Killissaliussat
Inuussutissarsiutigalugu siunnersuisartunit siunnersuinnermut akisussaaffeqartunit ikiorneqarneq	Siunnersuisartut tassaniittut inatsisini pisussaaffiliiviusumik siunnersuinnermut akisussaaffeqarput, aammalu amerlanertigut illersugaasumik taaguuteqartarlutik. <i>Eqqartuussissuserisoq, kukkunersuiisartoq akuersissummik allagartaqartoq imaluunniit nalunaarsorsimasoq, civilingeniøri, illuliortartoq, aningaasaqarnikkut siunnersorti, teknikkinut siunnersorti il.il.</i>	Tapit annerpaartaanik 80 %-mik tapersiivigineqakkajuppoq.
Inuussutissarsiutigalugu siunnersuisartunit siunnersuinnermut akisussaaffeqanngitsunit ikiorneqarneq	Siunnersuisartut tassaniittut inatsisini pisussaaffiliiviusumik siunnersuinnermut akisussaaffeqartinneqanngillat, aammalu taaguutaat illersugaasaratik. <i>Ilusilersuisartoq, nittarsaassinnermik immikkut ilisimasalik, ilisimatooq, misissueqqissaartartoq imaluunniit laboranti, inuussutissanut immikkut ilisimasalik, niuernermit siunnersorti, inatsisilerinikkut siunnersorti, atuartitsisut, il.il.</i>	Tapinit annikinnerusunik ass. 50 %-imik tapersiivigineqarajuppoq.
Inuussutissarsiutigalugu siunnersuisartunit ikiorneqarneq	Pilersuisut nalunaarsorsimasumik suliffeqarfiuteqanngitsut, imaluunniit sullissisut pingaarnertut ingerlatarinagu. <i>Niuernermit misilittagalik, isumasioqataasartoq, qanigisat imaluunniit pisortani sulisut kiffartuussineri.</i>	Matumunnga kittaartagaq qinnuteqaatigineqarsinnaanngilaq.



Aallarnisaasunik ineriartortitsinermik ingerlatsineq

Aallarnisaasunik ineriartortitsinermik ingerlataqarnermi ilaatinneqarput aallarnisaasunik ataasiakkaanik pikkorissaanerit siunnersuinerillu.

Aamma neqeroorutigineqarput sumiiffinni atortorissaarutit, internetsikkut sakkussat, attaveqaatinut aaqqissuussinerit, il.il.

Aallarnisaasunik ineriartortitsinermik ingerlataqarneq aallarnisaasunut aallarnisaleruttortunut, aammalu aallarnisaasunut suliffeqarfii qaammatinit 12-init sivikinnerusumik Kalaallit Nunaanni nalunaarsorsimasuusimasunut tapersiissutigineqarsinnaavoq, aammalu paasineqassalluni tassaasoq:

- Nutaaliornermut ineriartortitsinermullu suliniutit tamarmik 'aallarnisaasutut aallarnisaleruttortutut' isigineqarput, qinnuteqartup CVR-normumut atassuteqarenera apeqqutaatinnagu.
- Suliffeqarfimmi ingerlatsinermut atatillugu sungiusarneq ikiorneqarnerlu CVR-nut nalunaarsuisarfimmi nalunaarsortereernerup kingorna qaammatini 12-ini siullerni suliffeqarfiit ingerlanneqarnerisa ingerlanerani taamaallaat aallartinneqarsinnaavoq.
- Attaveqaatinut aaqqissuussinerit, ataatsimeersuarnerit, isiginnaarutini sakkussat, assigisaallu, ammapput aammalu tamanit atorineqarsinnaallutik.

Aallarnisaasunik ineriartortitsinermik ingerlataqarneq Innovation Greenlandimit neqeroorutigineqarpoq, kisianni ingerlatassanik ataasiakkaanik ingerlatsinermi ilaannikkut siunnersuisartut avataaneersut atuartsisartullu akuutinneqartarlutik.

Aallarnisaasunik ineriartortitsinermik ingerlataqarnermut aaqqissuussineq aningaasaqarnikkut tapiissutini atugassiissutigineqanngilaq.

Aaqqissuussinerni ataasiakkaani programmimi peqataanermut atuisut akiliuteqartinneqarsinnaapput aamma/imaluunniit ilaasortaanermut akiliuteqartitsisoqarsinnaalluni. Ilanngullugu sullissinerit immikkut ittut ilaasortanut akiliisartunut taamaallaat atuutsinneqarsinnaapput.



Inuussutissarsiutinik aalajangersimasunik imaluunniit suliffeqarfinnik immikkuullarissunik siuarsaanermut immikkut tapersiisarneq

Inuussutissarsiutinut aalajangersimasunut imaluunniit suliffeqarfinnut immikkuullarissunut piffissami killiligaasumi inuussutissarsiutinik siuarsaanermut aaqqissuussinernik immikkuullarissunik pilersitsisoqarsinnaavoq. Aaqqissuussinerit immikkuullarissut taakkua suliniummut ataatsimut 300.000 koruuninik annerpaamik annertussuseqarsinnaasumik tapersiinnissamik neqeroorfigineqarsinnaapput.

Aaqqissuussinernut immikkuullarissunut ataasiakkaanut tamanut atugassarititaasut immikkut ittu atuutsinneqassapput, ilanngullugu: Qinnuteqariaaseq, tapersiinerup aningaasartaasa annerpaaffissaat, tapersiissutip annertussusissaa aammalu atugassarititaasut allat, ass. tamanna tapersiissutinut allanut ataqtigiissinneqarsinnaanersoq. Tamanna tapiissutinut ilitersuummi immikkut nassuiarneqarpoq.

Aaqqissuussinerit immikkuullarissut aamma aningaasanik tunniussinnermit aallaanerusumik tapersiivigineqarnissamik neqeroorfigineqarsinnaapput, assersuutigalugu sullissinnerik imaluunniit tunniussinnerik aalajangersimasunik atugassiinnikkut, immaq ilaanut nammineq akiliuteqarluni.

Annikitsunik taarsigassarsititsineq

Taarsigassarsiat assigiinngitsut pingasuupput, tamarmik suliniutip aallartinnginnerani siumoortumik tunniunneqartartut:

Suussusaa	Aningaasat amerlanerpaaffissaat	Siunertaq:
Ineriartortitsinnermut aningaasartuutitut taarsigassarsiat	Annerpaamik aningaasartuutitut missingersuutit 75 %-ii.	- pilersitsineq allilerinerlu - tunisassianik najoqqutassianillu ineriartortitsineq
Inuussutissarsiutinik siuarsaanermut aningaasaleeqataanissamut taarsigassarsiat	Tapersiissutinut allanut ataqtigiissinneqarpata annerpaamik 25 %-it.	- niuerfimmik pilersitsineq - sanaartugassamik pilersaarusiorneq
Sulinermit aningaasaatinut taarsigassarsiat	Annerpaamik aningaasartuutitut missingersuutit 50 %-ii.	- Sulinermit aningaasaatit, pingaartumik nioqqutissanik toqqorsivimmiittussanik pisinnermut.
Taarsigassarsiat aningaasartai katillugit	Annerpaamik missingersuutit tamarmiusut 75 %-ii Minnerpaamik 20.000 kr. Annerpaamik 100.000 kr.	

ass. qinnuteqartoq suliniuteqarpoq sulinermit aningaasaatinut aamma ineriartortitsinnermut aningaasartuutitut aningaasartuutitut missingersuuteqarluni, aammalu annikitsunik taarsigassarsiarititassat aamma tunisassianik ineriartortitsinnermut tapersiissutip ataqtigiissillugit qinnuteqarluni.



Sulinermit aningaasaatit 20.000 kr. → taarsigassarsiat 50 % = 10.000 kr.
Ineriartortitsinermut aningaasartuutit 80.000 kr. → taarsigassarsiat 25 % + tapiissutit 50 % =
20.000 kr. + 40.000 kr. = 60.000 kr.
Neriorsuutit katillugit imaalerput:
tunisassianik ineriartortitsinermut tapersiissutit 40.000 kr. aamma annikitsunik taarsigassarsititsineq 30.000 kr. Katillugit 70.000 kr. aamma suliniummut missingersuutit tamarmiusut 70 %-ii.

Sullinniakkat

Annikitsunik taarsigassarsititsinermut siunertaavoq "Aallarnisaasuaqqat" aningaasalersuutissanik pissarsinissaasa ajornannginnerulersinnissaat.

Oqaaseq 'aallarnisaasuaqqat' allaffissornikkut nassuiarneqarpoq tassaasoq:

- Inuup ataatsip suliffeqarfiutaa
- Piginnittoq suliffeqarfinnik allanik piginnittuunngitsoq
- Suliffeqarfik (piginnittup saniatigut) annerpaamik ukioq tamaat sulisussanut marlunnut naapertuuttumik sulisoqartoq
- Suliffeqarfiup ukiumut kaaviiartitai annerpaamik 3.000.000 koruuninik annertussuseqartut.

Akiliisinnaassuseqarnerup nalilernerqarnera

Annikitsunik taarsigassarsititsinermut atatillugu qularnaveeqqusiinissaq piumasaqaatigineqanngilaq, tamatuma saniatigut akiliisinnaassuseqarnerup nalilernerqarnerani aaqqissuussinerup siunertaa - tassalu aallarnisaasuaqqat aningaasalersuutissanik pissarsinissaasa ajornannginnerulersinnissaa - eqqarsaatigineqassaaq. Aammattaaq aalajangersakkanut ataasiakkaanut nassuiaatini allassimavoq, sinneqartoofiusumik business case-mik peqassasoq.

Tamanna isumaqarpoq akiliisinnaassuseqarnerup nalilernerqarnerani misissorneqassasut:

- A. Taanna aallarnisaasuaava?
- B. Sinneqartoofiusumik business case-mik peqarpa?

Qinnuteqaatinut suliassamik suliarinninnermut atatillugu pissutsit taakkua isummerfigineqassapput.

Qinnuteqaatinut suleriaaseq

Annikitsunik taarsigassarsititsinermut qinnuteqarneq inuussutissarsiutinik siuarsaanermut aningaasaliissutinut qinnuteqarnermi immersugassap immersorneratigut pissaaq. Immersugassaq aaqqissuunneqarpoq, annikitsunik taarsigassarsititsinermik immikkoortillugu imaluunniit aningaasaliissutinut allanut ataqatigiissillugu qinnuteqarnissaq periarfissaqartinneqarluni. Annikitsunik taarsigassarsititsineq aningaasaliinermut ataatsimiititaliami aalajangiinerup kingorna pissaaq.

Annikitsunik taarsigassarsititsinermut atugassarititaasut

Atugassarititaasut makkua 'niuernermit' tunngasutut isigineqassapput.

Akilersuutit

Taarsigassarsiat pineqarmata akilersuutinik akiliisoqartassaaq.

Taarsigassarsiat annertoqatigiimmik akilersorneqartussat pineqarput, tassani aningaasat aalajangersimasut (akiliut) qaammatit tamaasa (ulloq ernianik akiliiffissaq) akilernerqartassallutik.

Piffissaq akilersuiffiusussaq qaammatit 36-ullutik aalajangersimasuuvoq, kisianni pisuni aalajangersimasuni isumaqatigiissuteqarneq malillugu sivitsorneqarsinnaalluni.



Sioqqutsisumik akiliineq imaluunniit immikkut ittumik akilersuineq akiliutissamik naatsorsuisoqarani pisinnaavoq, kisianni akiliutissat imaluunniit pilersitsinermut aningaasartuutit atorunnaarsinnissaat pisinnaatitaaffiunani.

Akiliutit aningaasartuutillu

Aningaasartuutit	Akigititaq	Tunngavissarititaasoq	Akiliineq
Erniat	5 % p.a.	Taarsigassarsiat tamarmik	
Pilersitsinermut akiliut	Taarsigassarsiat aningaasartaasa 2 %-ii (tigusassat)	Taarsigassarsianik pilersitsinermit	Taarsigassarsiat aningaasartaanni tamarmiusuni ilaavoq
Allakkiamut akiliut	1000 kr.	Taarsigassarsianik pilersitsinermit	Taarsigassarsiat aningaasartaanni tamarmiusuni ilaavoq
Allanngortitsinermut akiliut	1000 kr.	Taarsigassarsinermut tunngasunik allanngortitsinissaq pillugu isumaqatigiissuteqarnermi, ilanngullugu akiliutissanik kinguartitsineq	Taarsigassarsiat aningaasartaanni tamarmiusuni nutaani ilaavoq
Akiliinissamik nukingisaarinermit akiliut	300 kr.	Akiliinissap nukingisaarutigineqarnerani	Akiliutissap tullianut ilanngullugu akilersinneqassaaq.
Akiliisitsiniarnermut akiliut	300 kr. (akiliisitsiniarnermut suliasami eqqartuussinermut akitsuutit taamaaqataat)	Akiliisitsiniarnermut suliasamik pilersitsinermit	Aningaasani akiligassani ilaavoq.

Pilersitsinermut aningaasartuutit

Taarsigassarsititsinissamik neriorsuuteqarnermi allakkiamut akiliut (ilanngaaseereernermit tigusassat), kiisalu taarsigassarsiat aningaasartaasa 2 %-ianik pilersitsinermut akiliut, taarsigassarsiat aningaasartaannut ilanngunneqassapput. Taamaalluni taarsigassarsiat aningaasartai, allakkianut akiliut aamma pilersitsinermut akiliutissaq ataatsimut katillugit taarsigassarsiat aningaasartaattut allassimassallutik. Assersuutigalugu 40.000 koruuninik taarsigassarsititsinissaq neriorsuutigineqarpoq. Taamaalluni 40.000 koruunit tunniunneqassapput, kisianni 41.800 koruunit akiligassaallutik.

Taarsigassarsianut allakkiaat aamma akiliinerit allaffissornikkut aqunneqarnerat

Utertillugit akiliutissat ingerlanissaat regneark atorlugu naatsorsorneqassaaq, tassani suliasanik suliarinnittoq akiliutissanut takussutissamik pilersitsissalluni, taamaallunilu siunissami akiliutissat annertussusissai naatsorsussallugit. Akiliutissat ingerlanissaat taarsigassarsianut allakkiamut, allatigut



taarsigassarsianut nassuiaaviumut, ilanngunneqassaaq. Taarsigassarsiat aningaasartaasa tunniunneqannginneranni taarsigassarsisup taarsigassarsianut allakkiaq atsiussavaa.

Naqissusiinermut akitsuut

Annikitsunik taarsigassarsititsinermut atatillugu naqissusiinermut akitsuummik akiliititsisoqassanngilaq.

Sumiginnaaneq

Taarsigassarsianut allakkiami taarsigassarsisup aningaasanik akiitsoqarluni atsiussavaa, taamaalillunilu taarsigassarsianut allakkiaq akiliitsitiniarnermut atatillugu akiliitsitiniartartumut atorneqarsinnaasoq akuersaarlugu.

Taarsigassarsianut allakkiaq imatut allannilimmik imaqqassaaq: "Akiitsunut allakkiaq manna pinngitsaaliissummik naammassinnitsitsinissamut tunngavissatut atorneqarsinnaavoq, takuuk Eqqartuussisaatsimut inatsimmi § 598, imm. 1, nr. 6."

Sumiginnaasoqartillugu eqqartuussummik naammassinnitsitsisussaq aningaasat akilersinneqarnissaannik qinnuigineqassanersoq, Innovation Greenland nalilersuissaaq. Tunngavissat ilisimaneqanngitsut business case-p nalilersorneqarneranut sunniisussat, sioqqutsisumik ilisimaneqareersimanersut, nalilersuinermi aallaavigineqarpoq. Taamatut naliliisoqarpat, aningaasat akilerneqanngitsut annaaneqartutut nalikilliliivigineqassapput, taamaanngippat eqqartuussummik naammassinnitsitsisussaq aningaasat akilersinniarnissaannik qinnuigineqassaaq, aammalu naliliineq malillugu eqqartuussummik naammassinnitsitsisussaq akiitsunik akiliitsitsinissamut imaluunniit nalikilliliinissamut pisariaqartunik iliuuseqassaaq.

Akiitsut nalinginik nalikilliliinerup annertoqataanik Innovation Greenland-ip nunap karsianut tunngatillugu akilinnngisaannik nalikilliliinermik (akiliutit ilanngunnagit) malitseqqassaaq. Inuussutissarsiornermut, Nukissiuuteqarnermut Ilisimatusarnermullu Naalakkersuisoqarfik annikillitsitsinermut uppersaavoq, takukkit inuussutissarsiutinik siuarsaaneq pillugu inatsimmut nassuiaatit (annikitsunik taarsigassarsititsineq).

Akiliutissanik kinguartitsineq

Pisuni immikkuullarilluinnartuni atugassarititaasut immikkut ittut tamanna ajornartinngippassuk, taarsigassarsisoq piffissamik akilersuiffiusussamik immikkut akuerineqarsinnaavoq.

Taamatut pisoqartillugu sivisunerpaamik qaammatini 6-ini sivitsuisoqarsinnaavoq, aammalu taarsigassarsisoq sulii akiliutissaminik akiliisinnaanngippat, taarsigassarsiat sumiginnaarneqartutut isigineqassapput.

Piffissaq akilersuiffiusussaq aamma akiliutinik nukingisaarinerit

Akiliutissat aallaaviatigut kingusinnerpaamik qaammammi aningaaseriviup ammaffia ulloq kingulleq tamatigut akilerneqartassaaq.

Qaammatip tulliani siusinnerpaamik aningaaseriviup ullut ammaffiisa qulissaanni akiliummut nukingisaarut nassiuunneqassaaq, taamaaqataanik akiliummut nukingisaarummut akiliutissamik naatsorsuisoqarluni.



Inuussutissarsiutinik siuarsaanermut aningaasaliissutitut aningaasat killiliussat

Tapiissutit aningaasartaasa annerpaaffissaat, il.il.

Tunisassianik ineriartortitsineq	NALUNAARUT § 1, INATSIT § 9, imm. 2
Annerpaamik 300.000 koruuninik aningaasartalinik tapersiisoqarsinnaavoq. Tapersiineq suliniummut nassuiaat naapertorlugu annerpaamik aningaasartuutit uppersarsarneqartut 50 %-iinik annertussuseqarsinnaavoq.	
Kittaartagaq	NALUNAARUT § 2
Inuussutissarsiutigalugu siunnersuisartunit ikiorneqarnissamut tapersiisoqarsinnaavoq, annerpaamik 25.000 koruuninik aningaasartalinik. Tapersiineq neqeroorut ilanngunneqartoq naapertorlugu annerpaamik aningaasartuutit uppersarsarneqartut 80 %-iinik annertussuseqarsinnaavoq.	
Annikitsunik taarsigassarsititsineq	NALUNAARUT § 4
Taarsigassarsiat aningaasartai 20.000 aamma 100.000 koruunit akornanni annertussuseqartut. Ineriartortitsinermut aningaasartuutit 75 %-it angullugit, imaluunniit tunisassianik ineriartortitsinermut tapersiissutit, ingerlatsinermut aningaasartuutit 50 %-ii angullugit matussuserneqarnerannut ataqtigissillugu, 25 %-it angullugit matussuserneqassapput. Annikitsunik taarsigassarsititsineq suliffeqarfeeqqanut tunngatinneqarpoq, pingaartumik isorliunerusuni.	
Aaqqissuussinerit immikkuullarissut	NALUNAARUT § 5
Aaqqissuussinernut immikkuullarissunut ataasiakkaanut tamanut atugassarititaasut immikkut ittut, taamaattoq annerpaamik 300.000 kr.	

Tapersiiffigineqarnissamut pisinnaatitaanissamut tunngavissarititaasut

Pisortanut akiitsoqarneq	INATSIT § 8, imm. 2
Qinnuteqartoq imaluunniit pisortaaqtiginni imaluunniit siulersuisuni inuit aqutsisuusut pisortanut 'annertuunik akiitsoqarpata', tapiissuteqartoqarsinnaangilaq. Tassani taamaallaat akiitsut akiligassanngoreersut eqqarsaatigineqartut, taamaattumillu ilinniartunut taarsigassarsiat, illumut taarsigassarsiat imaluunniit allat aalajangersimasunik akilersuinerneq aaqqissuussivigineqartut eqqarsaatigineqaratik. Taamatuttaaq qularnaveeqqusiussat taarsigassarsiarititallu pisortat aningaasaliinernut ingerlatseqatigiiffiit atugassiissutigineqartut tassani ilaatinneqanngillat.	
50.000 kr. angullugit	Annertuutut isigineqanngillat.
50.000 – 100.000 kr.	Taakkua iliuuseqarfiginissaat pillugu isumaqtigissuteqartoqarsimappat, annertuutut isigineqanngillat.
100.000 kr. sinnerlugit	Pissutsit immikkut illuinnartut pineqarsimanngippata, annertuutut isigineqartut.



Aningaasat annertussusissaasa annerpaaffissaat

Nammineq aningaasarsiat
Aningaasarsiat annertussusaat imatut naatsorsorneqarput: Isertitat A-t aamma B-t katinnerat, atorfeqarnermi ajunngitsorsiassat, aningaasaatini isertitat il.il., akileraaruserivimmit naatsorsuinerup inernerani kingullermiittut, nalunaaquttap akunnerinik 1880-inik agguarlugit. ass. 257.876 kr. / nalunaaquttap akunneri 1880 = 137,17 kr. /nalunaaquttap akunneranut. Aningaasartai nalunaaquttap akunneranut 300 koruuninit annertunerusunut uppersarsarneqarpata, nalunaaquttap akunneranut 300 koruunit atorneqassapput.
Pisiniarneq aamma siunnersuinermi sullissinerit
Pisiniarnerni aamma siunnersuinermi sullissinerni tamaginni niuernermut atugassarititaasut tunngavigineqassapput, aammalu qinigassani akikinnerpaaq sapinngisamik atorneqassaaq.
Ullormusiat aamma nerisaqarneq
Ullormusiatigoortut saniatigut nerisaqarneq tapersiivigineqarsinnaanngilaq. <u>Akigititaq:</u> ulloq unnuarlu 335 kr.
Angalanerit
Akikinnerpaami angalasoqassaaq, assersuutigalugu killilersuiffiusumik akikinnerpaami. Pissutsit immikkuullarilluinnartut allatut angalariaaseqarnissaaq pisariaqartippassuk, tamanna qinnuteqaammi allassimassaaq. Angalaneq allatut ingerlanneqartariaqarsimappat, aningaasaliinermut ataatsimiititaliaq taamaallaat aningaasat akikinnerpaamut naapertuuttut tunniunnissaannik imminut pisinnaatippoq.
Unnuinerit
Periarfissaaq akikinnerpaaq atorneqassaaq. Pissutsit immikkuullarilluinnartut allatut pisoqarnissaaq pisariaqartissimappassuk, tamanna qinnuteqaammi allassimassaaq. Unnuinissaaq allatut pisariaqarsimappat, periarfissamut akikinnerpaamut naapertuuttumik aningaasartalerlugit taamaallaat tunniussinissamut aningaasaliinermut ataatsimiititaliaq imminut pisinnaatippoq. Nammineq unnuinermut atatillugu taarsiissuteqartoqassanngilaq.